



## EN EMON MI KUUK FEIENGAWEN FEFFERUN KAPASINGAW (IKA SEXUAL ASSAULT)?

### Kich mi tongeni aninnis.

#### Met e fis ngeniei ew fefferungawen kapasingaw?

Ika emon a feeri aami oupwe fefferun kapasingaw nge kese mochen, iwe ena mi tik non feiengawen fefferun kapasingaw. Ei mi tongeni pachenong an emon attapaok nukun ufom ika fan ufom, fefferun nisoou, aea awemi ren fefferun kapasingaw (ika oral sex), emon e feeri omw kopwe attapeer non nikinikin kapasingaw, ika pwan sakkun nikinikin kapasingaw minne ese ketiw me reomw.

#### Nge efet ika mi wor nefiinem me ewe aramas? Mi chok chiwen tik non feiengawen fefferun kapasingaw?

Ewer. Fen napengeni, ekkan re feiengaw re kan feiengaw ren aramas ir mi sissiner. Ewe chon feeri ewe efeiengaw mi fen tongeni epwe punuwomw, chiechimow oukan onnut fengen, noumw pwos, omw fren, ika pwan ie en mi sissinei.

#### Ese wor feiengawen inisi. Mi chok chiwen nomw non tettennin feiengawen fefferun kapasingaw?

Ewer. Fan chommong ewe chon feeri ewe efeiengaw ese aea ika neuneu pisekin efeieingaw ika ese angepechokkun. Ina epwe chok feeri omw kopw niw, mennin, ika rukoruk. Unumi sakau ika angei drugs ina ew anen an chon efeiengaw orukoruka emon ar repwe kapasingaw. Chon feeri ewe efeiengaw napengeni rekan mesaani ekkan re nuku pwe resapw tongeni repottei ewe fefferun kapasingaw, awewe ren punuwer, semirit, waseena seni fenuen nukun, ika ie ese sine fosun Merika.

#### Uwa men meefi weires ai upwe mwenge, onnut, iwe fan ekkoch ukan tanengaw non ai annut. Iwe ngang mi pwan meefi ai ussun upwe niwokkus me osukosuk ai ekiek. Uruurun iei ussun me upwe meefi?

Ewer. Ikkei ekkei sakkun ekan fis murin an emon nomw non feiengawen fefferun kapasingaw, iwe nge emon me emon aramas mi pwan pusin wor sakkofesennir non met re meefi.

#### Upwe ereni ai famini ika chiechiei pwe mi toriei feiengawen fefferun kapasingaw?

Kopwe pusin fini met ukuukun ke mochen aporasa. Mi kan tongeni epwe weires ach sipwe aporasa mettoch mi monomon me rech, iwe nge poraus ngeni ie en mi nuku mi fen tongeni anisuk non fansoun en mi meefi riaffou. Ese nifinifin met ke finaata, mi chok auchea omw kopwe tumun seni feiengawen fefferun kapasingaw.

#### Upwe repottei ngeni ponis pwe ngang mi feiengaw ren fefferun kapasingaw?

Kopwe pusin finaata ika kopwe repottei ngeni ponis ewe feiengawen fefferun kapasingaw. Esapw ew mettoch kopwe chok fakkun feeri.

## Upwe chuuri tokter ika pwe ngang mi tonong non feiengawen fefferun kapasingaw?

Ika pwe mi wor watten feiengawen inisumw iwe kopwe feeri pwe kopwe chok muttir chek. Keeri 911. Ika ke eureki pwe epwe ne toruk ewe semmwun mi kan feito seni fefferun kapasingaw (ika sexually transmitted disease) me ika kopwe ne pwopwo iwe kopwe achocho ngeni kopwe muttir chek.

## Io Epwe Tongeni Anisie?

Neman ei fansoun epwe osukosuk non omw ekiem kesapw sinei met kopwe feeri, nge mi wor aninnis mi tongeni kawor ngonuk. Ekkewe chon aninnisin eureur (ika counselor) ir mi kaeo ngeni ar pekin angang non ewe Nenien Aninnis ren Angangangawen Kapasingaw (ika Sex Abuse Treatment Center) Ika ke nit emon chon chiaku, emon epwe kaor mi free kese pwan meeni.

Keeri ewe Nenien Aninnis ren Angangangawen Kapasingaw (ika The Sex Abuse Treatment Center) won Nampun Fon mi Free 808-524-7273 (24 awa iteiten ran). Emon nouch kewe chon angang epwe anisuk ren eureuren anisi osukosuk me poraus won met kopwe feeri murin. Kich mi awora:

- Chekin feiengawen fefferun kapasingaw me pioing ika ren tokter mi free (non ukuukun 120 awa seni ewe fansoun e fis ngonuk ewe fefferun)
- Eureuren anisi osukosuk (ika crisis counseling) mi free
- Poraus won met en mi tongeni feeri fan nurun annuk

Met poraus ke ngenikich epwe chok monomon esapw pwan pwapwaano tiwenoon chok ika ke mochen pwe mason poraus epwe wor aea won ngeni pwan ie kaan. Kese nit omw kopwe repottei omw feiengawen fefferun kapasingaw ngeni ponis me kese pwan nit omw kopwe angei ach aninnis.

## Ifa ussun nonnomui ren pekin imikreison an epwe tongeni osukosuk ika pwe u kutta ekkei pekin aninnis?

Meinisin aramas mi tongeni angei aninnis seni ewe Nenien Aninnis ren Angangangawen Kapasingaw (ika The Sex Abuse Treatment Center), chon Merika me esapw chon Merika. Ika pwe esapw en emon sitisenin Merika (United States), chon Merika (United States), ika chon nonnomw non Merika (United States), en mi tongeni kopwe nomw non Merika (United States) ika pwe en emon mi feiengaw ren ekkoch sakkun angangangaw, pachenong efeiengawen fefferun kapasingaw, iwe ika pwan en punuwen ewe e feiengaw, neun, seman/inan, ika chon tumunu.

Ika ke mochen sopwosopun tichikin poraus ren omw kewe puung fan asengesin en chon etto won ei fenu, ika ke pwan niwokkus omw kopwe repottei ngeni ponis feiengawen fefferun kapasingaw, kose mochen keeri ewe Ofesin Anisi Chon Etto Hawaii (ika The Hawai'i Immigrant Justice Center) kinikinin ewe pekin Aninnisin Annuk non Hawaii (ika Legal Aid Society of Hawai'i) won 808-536-8826, ika won nampa mi free ren kekke seni ekkewe ekkoch fenuen non Hawaii won 1-800-499-4302.

### CHECHEMENI

Esapw tipisum omw tonong non osukosuken feiengawen fefferun kapasingaw. Kese akkanaamen. Kich mi tongeni aninnis.

Ewe Fon mi Monneta 24-Awa an ewe Nenien Aninnis ren Angangangawen Kapasingaw (ika The Sex Abuse Treatment Center) **(808) 524-7273**